



جدوال قمبراچان خطبه جمعة

Siri 10/ 2022

(Bulan Oktober Tahun 2022M)

ب	تاجوق	تاریخ
1.	رسول دچیتائی، سنة دحیاتی	7.10.2022M/ 11 Rabi'ulawwal 1444H
2.	رمقیت: باره سوسیال یغ کیان قاره	14.10.2022M/ 18 Rabi'ulawwal 1444H
3.	کلستارین عالم سکیتر	21.10.2022M/ 25 Rabi'ulawwal 1444H
4.	لیندوغي هرتا: اواسي scammer	28.10.2022M/ 2 Rabi'ulakhir 1444H
	خطبه کدوا	

فرچیتقن دبیاای:ی:



تلیفون: 04-5498088

***Jawatankuasa Panel Semakan Teks Khutbah Negeri
Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ketua Penolong Pengarah Kanan, Sektor Pendidikan Islam,
Jabatan Pendidikan Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





رمقيت: باره سوسيال يڻ ڪيان ڦاره

(خطبة خاص PDRM)

(14 OKTOBER 2022M / 18 RABI'UL AWWAL 1444H)

الْحَمْدُ لِلَّهِ الَّذِي وَعَدَ مَنْ آمَنَ بِهِ وَأَطَاعَهُ بِنِعْمٍ مُّقِيمٍ،

وَتَوَعَّدَ مَنْ كَفَرَ بِهِ وَعَصَاهُ بِعَذَابٍ أَلِيمٍ.

أَشْهَدُ أَنْ لَا إِلَهَ إِلَّا اللَّهُ رَبُّ الْعَرْشِ الْعَظِيمِ،

وَأَشْهَدُ أَنَّ مُحَمَّدًا عَبْدُهُ وَرَسُولُهُ ذُو الْبَرِّ الرَّحِيمِ.

صَلَوَاتُ اللَّهِ وَسَلَامُهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَالتَّابِعِينَ

وَتَابِعِيهِمْ إِلَى يَوْمٍ لَا يَنْفَعُ فِيهِ مَالٌ وَلَا بَنُونَ إِلَّا مَنْ أَتَى اللَّهَ بِقَلْبٍ سَلِيمٍ.

أَمَّا بَعْدُ، فَيَا عِبَادَ اللَّهِ، تَقْوُوا اللَّهَ، أَوْصِيكُمْ وَنَفْسِي بِتَقْوَى اللَّهِ وَطَاعَتِهِ لَعَلَّكُمْ

تُفْلِحُونَ. قَالَ اللَّهُ تَعَالَى يَا أَيُّهَا الَّذِينَ ءَامَنُوا اتَّقُوا اللَّهَ وَقُولُوا قَوْلًا سَدِيدًا ﴿٧٠﴾ (سورة الأحزاب)

SIDANG JEMAAH YANG BERBAHAGIA,

Marilah sama-sama kita bertakwa kepada Allah **سُبْحَانَهُ وَتَعَالَى** dengan mentaati segala perintah Allah dan meninggalkan segala larangan-Nya. Mudah-mudahan kita tergolong dalam kalangan mukmin yang berjaya di dunia dan di akhirat.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab yang boleh mengurangkan pahala, iaitu tindakan yang memesongkan perhatian daripada mendengar khutbah dan isi kandungannya. Ini termasuklah perbuatan berbual-bual, tidur dengan sengaja, bermain telefon bimbit dan menggerakkan tabung



kutipan semasa khatib sedang berkhotbah. Bagi melengkapinya kewajipan solat jumaat hari ini, marilah kita menghayati bicara mimbar yang bertajuk: **“Rempit: Barah Sosial Yang Kian Parah.”**

SIDANG JUMAAT YANG DIRAHMATI ALLAH SEKALIAN,

“*Mat Rempit*” merupakan istilah yang digunakan kepada penunggang motorsikal yang terlibat dalam perlumbaan haram, biasanya menggunakan motor berkuasa kecil seperti *kapcai* atau *skuter*. “Mat” merujuk kepada seseorang atau sekelompok individu, sementara “rempit” difahami sebagai kegiatan menunggang motorsikal melebihi had laju yang ditetapkan dan tidak mengikut undang-undang jalan raya.

Merempit merupakan gejala sosial yang kian meruncing dalam masyarakat sehingga membawa kemudharatan kepada agama, bangsa dan negara. Lebih membimbangkan, jika 30 tahun dahulu gejala tidak bermoral ini hanya melibatkan golongan dewasa, namun kini penyakit ini telah menular kepada golongan kanak-kanak di peringkat sekolah rendah lagi. Lebih mendukacitakan apabila majoriti mat rempit ini melibatkan bangsa Melayu yang beragama Islam. Aktiviti merempit seperti episod yang tiada kesudahan bahkan samseng jalanan ini juga semakin berani melawan undang-undang dan menjadi antara penyumbang terbesar kepada jenayah yang berlaku dalam negara.

SIDANG JUMAAT YANG BERBAHAGIA,

Kajian yang dilakukan oleh Jabatan Siasatan dan Penguatkuasaan Trafik, Polis Diraja Malaysia (JSPT) mendapati, aktiviti merempit amat mudah berkembang kerana aktiviti ini melibatkan imbuhan pertaruhan judi dan habuan seks. Dalam waktu yang sama ia juga berkait rapat dengan dadah dan arak. Selain itu, penglibatan bengkel-bengkel motorsikal haram yang berperanan mengubahsuai motorsikal juga turut membantu berkembangnya aktiviti yang menjijikkan ini. Demi meraih keuntungan, mereka sanggup mempertaruhkan nyawa dengan mengupah joki atau pelumba haram demi meraih populariti agar bengkel-bengkel haram

tersebut menjadi tarikan kepada golongan ini mengubahsui motorsikal mereka di bengkel-bengkel tersebut.

Oleh itu tidak hairanlah jika golongan samseng jalanan ini seolah-olah bermaharajalela serta tidak pernah merasa takut jika berhadapan dengan tindakan undang-undang. Bahkan mereka dengan perasaan bangga sanggup mempertaruhkan nyawa untuk mempamerkan aksi-aksi berbahaya seperti *wheely*, *wikang*, dan beraksi gaya *superman* di atas jalan raya. Kononnya aksi-aksi ini menjadikan mereka golongan yang “berani”.

Merujuk kepada statistik yang telah dikeluarkan oleh pihak Polis Diraja Malaysia (PDRM) Kontinjen Pulau Pinang bagi tahun 2019 sehingga Julai 2022, kemalangan yang melibatkan motorsikal adalah sebanyak 23,791 kes. Daripada jumlah tersebut seramai 339 orang ditangkap manakala sepanjang tempoh tersebut sebanyak 65 kes kematian berlaku yang melibatkan penunggang dan pembonceng motorsikal. Statistik dari 1 Januari hingga 22 Ogos 2022 pula menunjukkan, 85 operasi telah dibuat oleh pihak PDRM. Dari angka itu, seramai 84 orang telah ditangkap dengan 15 orang merupakan pelajar IPT dan sekolah menengah manakala 14 orang merupakan remaja bawah 16 tahun.

SIDANG JUMAAT YANG DIRAHMATI ALLAH SEKALIAN,

Pada jam 4.00 pagi, 17 Julai 2022 yang lalu, Lebuhraya Tun Dr Lim Chong Eu, Georgetown, Pulau Pinang telah menyaksikan satu tragedi berdarah melibatkan 10 buah motorsikal yang disyaki terlibat dalam aktiviti “lumba haram”. Amat menyedihkan, peristiwa yang tular di media sosial ini telah mengorbankan 5 orang remaja dengan 3 kematian di lokasi kejadian manakala 2 lagi di hospital. Jelas perbuatan ini bertentangan dengan Seksyen 42 (1) Akta Pengangkutan Jalan 1987 iaitu memandu secara melulu dan membahayakan diri sendiri dan pengguna jalan raya yang lain. Firman Allah dalam surah An-Nisa’ ayat 29:

يَا أَيُّهَا الَّذِينَ ءَامَنُوا لَا تَأْكُلُوا أَمْوَالَكُمْ بَيْنَكُمْ بِالْبَاطِلِ إِلَّا أَنْ تَكُونَ تِجَارَةً عَنْ تَرَاضٍ
مِّنْكُمْ وَلَا تَقْتُلُوا أَنْفُسَكُمْ إِنَّ اللَّهَ كَانَ بِكُمْ رَحِيمًا ﴿٥٩﴾

Maksudnya: “Wahai orang-orang yang beriman, janganlah kamu makan (gunakan) harta-harta kamu sesama kamu dengan jalan yang salah (tipu, judi dan sebagainya), kecuali dengan jalan perniagaan yang dilakukan secara suka sama suka di antara kamu, dan janganlah kamu berbunuh-bunuhan sesama sendiri. Sesungguhnya Allah sentiasa mengasihani kamu.”

Rasulullah ﷺ telah bersabda;

لَا ضَرَرَ وَلَا ضِرَارَ

Maksudnya: “Tidak boleh memberi kemudharatan (diri sendiri) dan tidak boleh memudharatkan (orang lain).
(Hadis Riwayat Imam Malik)

HADIRIN YANG DIRAHMATI ALLAH,

Isu ini telah menjangkau lebih 40 tahun. Maka adalah menjadi tanggungjawab kita bersama dalam menjaga dan membanteras perlakuan rempit ini supaya tidak terus membarah dalam masyarakat. Hal ini bertetapan dengan saranan Rasulullah ﷺ:

عَنْ أَبِي سَعِيدٍ الْخُدْرِيِّ رَضِيَ اللَّهُ عَنْهُ قَالَ: سَمِعْتُ رَسُولَ اللَّهِ ﷺ يَقُولُ:
مَنْ رَأَى مِنْكُمْ مُنْكَرًا فَلْيُغَيِّرْهُ بِيَدِهِ، فَإِنْ لَمْ يَسْتَطِعْ فَبِلِسَانِهِ، فَإِنْ لَمْ يَسْتَطِعْ
فَبِقَلْبِهِ وَذَلِكَ أَضْعَفُ الْإِيمَانِ

Maksudnya: “Daripada Abi Said Al-khudri رَضِيَ اللَّهُ عَنْهُ dia berkata: Saya mendengar Rasulullah ﷺ bersabda: “Siapa yang melihat kemungkaran maka ubahlah dengan tangannya, jika tidak mampu maka ubahlah dengan lisannya, jika

tidak mampu maka (ubahlah) dengan hatinya dan hal tersebut adalah selemah-lemah iman.”
(Hadis Riwayat Muslim)

Dalam menangani dan membasmi gejala rempit ini, Islam menggariskan langkah-langkah berikut;

Pertama: Setiap individu khususnya pemuda pemudi Islam hendaklah mempertingkatkan iman dan amal soleh serta saling nasihat menasihati untuk menghindarkan diri dan berhenti dari terjebak dengan perbuatan merempit dan gejala sosial lain.

Kedua: Masyarakat khususnya ibu bapa wajib memainkan peranan yang penting untuk memastikan setiap ahli keluarga terutamanya anak-anak mereka tidak terbabit dalam gejala merempit ini. Ibu bapa perlu serius dalam mengawal, memantau dan memastikan agar ahli keluarga sentiasa diawasi khususnya dalam setiap tindak tanduk dan pergaulan mereka.

Ketiga: Para guru, pendakwah dan pemimpin masyarakat perlu memainkan peranan yang optimum dalam mendidik dan memberi kesedaran kepada semua golongan terhadap kesan dan akibat yang dilakukan oleh mereka yang tidak bermoral ini. Jangan hanya disebabkan mahu menjadi popular, mereka sewenangnyanya mengangkat golongan ini untuk menjadi ikon kepada para pelajar dan masyarakat yang menyebabkan segala perancangan dan tindakan yang telah dilaksanakan oleh pihak berkuasa khususnya pasukan PDRM menjadi terbantut dan sia-sia.

Keempat: Setiap ahli dalam komuniti setempat perlu lebih mengambil berat dan cakna dengan isu-isu semasa demi menjaga keselamatan diri dan komuniti. Saling memberi nasihat serta teguran yang sewajarnya kepada golongan remaja khususnya, tidak hanya berdiam diri atau menuding jari menyalahkan pihak berkuasa semata-mata. Mereka juga perlu menjadi mata-mata kepada pihak berkuasa dalam menyalurkan maklumat sekiranya terdapat aktiviti lumba haram.

Kita perlu sedar bahawa tanpa kerjasama masyarakat dengan pihak berkuasa maka gejala buruk ini tidak dapat ditangani dengan baik.

Kelima: Pihak berkuasa perlu lebih serius dan bersungguh-sungguh dalam menangani isu rempit ini. Sudah masanya pihak berkuasa menyemak dan menilai semula hukuman sedia ada terhadap kesalahan jenayah merempit ini memandangkan hukuman sedia ada tidak setimpal dengan kesalahan yang dilakukan. Di samping itu, pihak kerajaan juga perlu memastikan pelan pembanterasan terhadap gejala ini dijalankan secara berterusan dan bukan hanya bermusim.

MUSLIMIN YANG DIKASIHI ALLAH,

Mengakhiri khutbah pada hari ini, khatib ingin mengajak semua masyarakat untuk menyedari akan hakikat bahayanya jenayah rempit ini jika dibiarkan. Ia bukan sahaja melibatkan kesalahan jalan raya malah ia melibatkan pelanggaran hukum syarak yang menjadi satu dosa bagi umat Islam.

Apa yang pasti, institusi keluarga perlu memainkan peranan penting dalam mengatasi masalah penglibatan golongan remaja dalam perlumbaan haram. Sehingga hari ini, isu ini masih lagi tidak dibendung dan tiada tindakan yang benar-benar memberi impak. Kita perlu sedar bahawa remaja merupakan golongan yang mempunyai pelbagai potensi. Maka wajib ke atas kita semua untuk saling berganding bahu bersama-sama agar kemungkaran ini dapat dibanteras seterusnya melahirkan generasi yang membawa kemajuan kepada umat dan negara.

Firman Allah **سُبْحَانَهُ وَتَعَالَى** dalam surah Al Maidah ayat 2:

... وَتَعَاوَنُوا عَلَى الْبِرِّ وَالتَّقْوَىٰ وَلَا تَعَاوَنُوا عَلَى الْإِثْمِ وَالْعُدْوَانِ وَاتَّقُوا اللَّهَ

إِنَّ اللَّهَ شَدِيدُ الْعِقَابِ ﴿٢﴾

Maksudnya: “.....Dan hendaklah kamu bertolong-tolongan untuk membuat kebajikan dan bertakwa dan janganlah kamu bertolong-tolongan pada melakukan dosa (maksiat) dan pencerobohan dan bertakwalah kepada Allah, kerana sesungguhnya Allah maha berat azab seksanya (bagi sesiapa yang melanggar perintah-Nya).”

بَارَكَ اللَّهُ لِي وَلَكُمْ فِي الْكِتَابِ وَالسُّنَّةِ، وَنَفَعَنِي وَإِيَّاكُمْ بِالْآيَاتِ وَالْحِكْمَةِ، أَقُولُ قَوْلِي هَذَا، إِنْ كَانَ صَوَابًا فَمِنَ اللَّهِ الْمَنَّانِ، وَإِنْ كَانَ خَطَأً فَمِنْ نَفْسِي وَالشَّيْطَانِ، وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ إِنَّهُ هُوَ الْغَفُورُ الرَّحِيمُ.



خطبة كدوا بولن اوكتوبر

2022M/ 1444H

الْحَمْدُ لِلَّهِ عَلَى الْإِثْمِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ وَمَرْضَاتِهِ،
ثُمَّ ااعْلَمُوا أَنَّ اللَّهَ سُبْحَانَهُ وَتَعَالَى أَمْرُكَ بِأَمْرٍ بَدَأَ فِيهِ بِنَفْسِهِ؛ فَقَالَ - عَلِيمًا حَكِيمًا.
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،
اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبُ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.

Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.

Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.
عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوا عَلَى نِعَمِهِ يَزِيدْكُمْ، وَلَذِكْرُ
اللَّهِ أَكْبَرُ ۖ وَاللَّهُ يَعْلَمُ مَا تَصْنَعُونَ ﴿١١﴾